



Headlines

1. राष्ट्रपति द्रौपदी मुर्मू होर 76में गणतंत्र दिवस दी पूर्व संध्या पर राष्ट्र गी संबोधत करगन।
2. गणतंत्र दिवस पर जम्मू कश्मीर पुलसै दुए सब्बने शा बद्ध वीरता पुरस्कार हासल कीते न। 10 पुलस कर्मिं गी उत्कृष्ट सेवाएं लेई राष्ट्रपति मैडल थ्हाओ ऐ। उपराज्यपाल मनोज सिन्हा होरें अवार्ड जित्त्ने आले सब्बने गी मुबारकबाद दिती ऐ।
3. जम्मू कश्मीर च गणतंत्र दिवस दा मुख्य समारोह मौलाना आजाद स्टेडियम च होग जित्थें उपराज्यपाल परेड गी दिखदे हरेई समूलचे प्रदेश च सुरक्षा दे निगगर बंदोबस्त कीते गेदे न।
4. समूलचे मुख्य च अज्ज राष्ट्री मतदाता दिवस मनाया गेआ। उपराज्यपाल होरें मतदान दी सगंध चुक्की ते जम्मू कश्मीर दे मजबूत लोकतांत्रिक जज्बे पर लोह पाई। मुख्य सचिव होरें अधिकारिं गी इस ध्याड़े दी सगंध चुकाई।
5. विशेष तौर पर डिजाईन कीती गेदी वंदे भारत ट्रेन नै कटरा थमां चिनाब ते अंजी खड्ड पुलें गी पार करदे होई बडगाम मगर दा ट्रायल रन कामयाबी कन्नै पूरा कीता।



President Address

राष्ट्रपति द्रौपदी मुर्मू गणतंत्र दिवस दी पूर्व संजा पर अज्ज राष्ट्र गी संबोधत करगन। एह संबोधन संजा 7 बजे थमां आकाशवाणी दे समूलचे राष्ट्रीय नेटवर्क पर ते दूरदर्शन दे सब्बने चैनलें पर हिंदी ते अंग्रेजी च प्रसारत कीता जाग। दूरदर्शन पर हिंदी ते अंग्रेजी च संबोधन दे प्रसारण मगरा दूरदर्शन दे क्षेत्रीय चैनलें पर क्षेत्रीय भाषाएं च बी एहदा प्रसारण कीता जाग। आकाशवाणी अपने क्षेत्रीय नेटवर्क पर रातीं साढ़े 9 बजे थमां क्षेत्रीय भाषाएं च एहदा प्रसारण करोग।



R.Day Awards

76में गणतंत्र दिवस दी पूर्व संध्या पर कुल 942 पुलस, अग्निशमन ते सिविल डिफेंस दे कर्मिं गी बहादरी ते सेवा तगमे थ्हाओ। इंदे चा जम्मू कश्मीर पुलस गी 27 पुरस्कार थ्हाओ न जिंदे च 15 बहादरी लेई तगमे शामिल न। बहादरी लेई सब्बने कोला मते मिलने च जम्मू कश्मीर ते उत्तर प्रदेश दे बाद दूई थाहरा पर रेआ। जम्मू कश्मीर पुलस गी बशेष सेवाएं आस्तै 2 राष्ट्रपति तगमे ते सराहनीय सेवा आस्तै 10 तगमें बी थ्हाओ न। उपराज्यपाल मनोज सिन्हा होरें जम्मू कश्मीर पुलस दे उनें सब्बने कर्मिं गी शुभकामना दिती ऐ, जिनेगी गणतंत्र दिवस दे मौके पर बहादरी ते सेवा तगमे थ्हाओ न।



MA Stadium Event

केन्द्र शासत प्रदेश जम्मू-कश्मीर च कल गणतंत्र दिवस दा मुख्य समारोह जम्मू दे मौलाना आजाद स्टेडियम च होग जित्थे लेफ्टिनेंट गवर्नर मनोज सिन्हा होर कार्यक्रम दी सदरत करडन ते परेड दी सलामी लैडन। मुख्यमंत्री ओमर अब्दुल्ला होर कार्यक्रम दे मुख्य परौहे होडन। इससै सिलसिले च कल एम.ए. स्टेडियम च फुल ड्रेस रिहर्सल कीती गई। गणतंत्र दिवस दे उपलक्ष्य च समूलचे प्रदेश च सुरक्षा दे निगगर बंदोबस्त कीते गेदे न। अंतराष्ट्रीय बन्ने ते कब्जा रेखा पर खास तौर पर निगरानी कीती गेदी ऐ। इस बारे मती जानकारी दिंदे होई रियासी दे एसएसपी परमवीर सिंह होरें दस्सेया

तोआई गणतंत्र दिवस शा पैहले समूलचे केन्द्र शासत प्रदेश च सब्बने सरकारी इमारतें गी शैल स्नाहकड़े ढंगै कन्नै सजाया गेआ ऐ ते तिरंगे आहले रंगे कन्नै रोशन कीता गेआ ऐ। एहदे अलावा सब्बने सरकारी मलाजमें गी निर्देश दिता गेआ ऐ जे ओह अपने अपने जिले च होने आले गणतंत्र दिवस दे अधिकारिक समारोह च पक्क गै हिस्सा लैन।

Badhaal Concerns

रजौरी जिले दे बड़हाल ग्रांS च रहस्यमयी बमारी गी लेइयै बनी दिएं चैंताएं दे मददेनजर जीएमसी रजौरी दे प्रिंसिपल डाक्टर ए.एस. भाटिया होरें इस गल्लै दी तसदीक कीती ऐ जे ऐल्लै उंदे अस्पताल च बड़हाल थमां आहन्ने गेदे 11 मरीजें दा इलाज चलै करदा ऐ। इंदे चा 9वें जनें गी निगरानी हेठ रक्खेआ गेदा ऐ ते 2 जनें आईसीयू च भर्ती न ते इंदी सब्बनें दी हालत स्थिर ऐ। इक संवाददाता सम्मेलन च प्रिंसिपल होरें इस गल्लै गी साफ कीता ऐ जे अव्वल दर्जे दिएं लैबाटरिएं दिआं रिपोर्टां कुसै वायरल इन्फैक्शन दी शेंका गी खारिज करै करदिआं न ते लोकें गी इस गल्लै दा जकीन बी दोआया जा करदा ऐ जे घाबबरने दी कोई लोड़ नेई ऐ। उनें दस्सेआ जे बमारी गी खरी चाल्ली समझने लेई मरीजें गी बक्ख नखेड़ियै रक्खना इक एहतियाती उपाS हा। ध्यानजोग ऐ जे प्रभावत परोआरें दे नेड़मे संपर्क च आए दे 50एं होरनें जनें गी खुराक सने मेडिकल दिक्खभाल दी सुविधा बी दित्ती जा करदी ऐ। इस सरबंघै च मीडिया कन्ने गल्ल करदे होई जीएमसी रजौरी दे प्रिंसिपल डाक्टर ए.एस. भाटिया होरें आखेआ बाईट

<><><><><><>

Voter's Day

15मां राश्ट्री मतदाता दिवस अज्ज पूरे देशे च मनाया जा करदा ऐ। इस बारे दे राश्ट्री मतदाता दिवस दा विशे-सार ऐ “मतदान जनेहा किश बी, में मतदान पक्क करग” यानि “नर्थिंग लाईक वोटिंग, आई वोट फॉर श्योर”। जेहड़ा मतदान दी भागीदारी ते लोकतंत्र दी महत्वता गी केन्द्रित करदा ऐ। अज्जै दा ध्याड़ा भारतीय चुनां आयोग दी स्थापना दिवस दे तौरा पर मनाया जंदा ऐ ते कन्ने गै एह् दिन नागरि विशेष तौरा पर युवाएं गी चुनां प्रक्रिया च हिस्सा लैने लेई प्रेरित बी करदा ऐ। जम्मू च बी इस मौके पर केई सारे कार्यक्रमें दा सरिस्ता कीता गेआ ते लोकें गी मतदान लेई जागरूक करने दे कन्ने कन्ने चुनां अधिकारिएं गी सम्मानित कीता जाग। चुनां अधिकारी पी.के.पोले होरें अज्ज दे ध्याड़े दी महत्वता पर लोह् पाई ते पैहली पैहली बारी मतदान करने आले वोटरें गी अपने अधिकार दा इस्तेमाल करने लेई आखेआ। आकाशवाणी समाचार कन्ने गल्ल करदे होई उनें आखेआ

<><><><><><>

LG Oath

लेफ्टिनेंट गवर्नर मनोज सिन्हा होरें अज्ज जम्मू च 15में राश्ट्री मतदाता दिवस आहले कार्यक्रमै च हिस्सा लैता। इस मौके पर उनें सगंध चुक्की ते कन्ने भारती चुनांS आयोग दी तरफा बेहतरीन कारकरदगी आहले प्रदेश दा अवार्ड थोने पर जम्मू-कश्मीर दे मुख चुनांS अधिकारी ते उंदी टीम दी सराहना कीती। एलजी होरें इस मौके उपपर आखेआ जे हाल दे चुनाएं च होए दा रिकार्ड मतदान, लोकतांत्रिक मुल्लें-कदरें च जम्मू-कश्मीर दे लोकें दी पक्की आस्था गी दर्शादा ऐ। उनें आखेआ

<><><><><><>

CS Pledge

तोआई 15में राश्ट्री मतदाता दिवस दे मौके उपपर अज्ज जम्मू आहले सिविल सैकटेरिएट च सगंध चुक्कने आहले इक कार्यक्रम दा सरिस्ता कीता गेआ जित्थे मुख सचिव अटल डुल्लु होरें सब्बनें अधिकारिएं ते मलाजमें गी सगंध चुकाई। इनें अधिकारिएं ते मलाजमें लोकतंत्र गी मजबूत बनाने ते बिजन कुसै डर-त्राह दे म्हेशां अपना वोट पाने दी सगंध चुक्की।

<><><><><><>

Vande Bharat Traial Run

इक ऐतिहासिक उपलब्धि दे तैहत्त, श्री माता वैष्णो देवी रेलवे स्टेशन कटरा थमां बडगाम तगर वंदे भारत एक्सप्रेस नै अपना ट्रॉयल रन यानि आजमाईश गी कामयाबी कन्ने पूरा कीता ऐ। खासतौर उप्पर डिजाईन कीती गेदी एह रेल रियासी जिले च चिनाब दरेया उप्पर बनाए गेदे दुनिया दे सब्बन शा उच्चे रेल पुल ते भारत दे पैहले तारें आहले रेल पुल यानि अंजी खड्ड पुल परा होइयै लंग्घी ऐ जेहड़ा अपने आपै च इक बड्डा संग-ए-मील ऐ। कश्मीर घाटी गी रेल राहें देसै कन्ने जोड़ने लेई उधमपुर-श्रीनगर-बारामूला रेल लिंक परियोजना गी चालू करने दी दिशा च एह इक महत्वपूर्ण गैह ऐ। एह वंदे भारत रेल केई सारी खासियतें कन्ने लैस ऐ। इस सरबंघै च पेश ऐ स्टाडे रियासी संवाददाता दी

<><><><><><>

JK Ranji Trophy

जम्मू कश्मीर दी क्रिकेट टीम नै रांजी ट्रॉफी दे ग्रुप नै रांजी ट्रॉफी दे ग्रुप-एहदे च मुंबई गी 5एं विकटें कन्ने हराइयै नमां इतिहास रची दित्ता ऐ। 205 रंजें दे लक्ष्य दा पिच्छा करदे होई जम्मू कश्मीर नै 5 विकटां मुआइयै 207 रंज बनाए। विवरांत शर्मा नै 32 ते आषिद मुश्ताक नै 32 रंजें दा यागेदान दित्ता। मुंबई दी पैहली छड़े 120 रंजें पर गै सिमटी गई ही। ओहदी दूई पारी च शारदुल ठाकुर नै शानदार 119 रंज बनाए पर अपनी बधिया गेंदबाजी दी बदौलत जम्मू कश्मीर नै एह मैच अपने नां करी लैता। जम्मू कश्मीर हुन 29 अंकें ग्रुप-ए च सब्बने शा उप्पर ऐ। मुख्मंत्रि उमर अब्दुल्ला होरें इस जित्त लेई टीम गी मुबारकबाद दित्ती ऐ।

<><><><><><>